

SPECIMEN ACADEMICUM
DE
LINGUARUM STUDIO
AB
INGENIO PUEIRILI
HAUD ALIENO.

CUJUS PARTEM PRIMAM,
Conf. Ampl. Facult. Philos. Reg. Acad. Aboëns.

Publicæ bonorum censuræ modestè submittunt


ABRAHAMUS CAFANUS,
Philosophiae Magister,

&

NICOLAUS PETRUS HOLMSTRÖM,
Stipendiarii Regii Ostrobothnienfes.

In Aud. Majori die XXX Mart. MDCCCLIII.

Horis a. m. confvetis.



ABOÆ, typis Frenckellianis,

MAGNÆ
IN SACR. REG. MAJESTATEM
FIDEI VIRO,
REGIÆ CANCELLARIÆ CONSILIARIO NOBILISSIMO,
REG. ORD. DE SELLA POLARI EQUITI SPLENDIDISSIMO,
ELOQUENTIÆ PROFESSORI AD REG. ACAD. ABOENSEM
MERITISSIMO,
LITTER. HUMAN. HISTOR. ET ANTIQUITATUM,
REG. SOCIET. SC. UPSAL. &c. SOCIO CELEBERRIMO,
DOMINO
HENRICO GABR.
PORTHAN,
FAUTORI ET BENEFATORI SUMMO,
SACRUM DEBUIT, VOLUIT

•
vultor devotissimus
ABRAHAMUS CAJANUS.

DE
LINGUARUM STUDIO
AB
INGENIO PUERILLI
HAUD ALIENO.

Longum iter est per præcepta, breve & efficax per exempla.
SENECA.

§. I.

Sententiae philosophorum de origine linguarum in duas quasi classes commode describi possunt, quarum altera Deo omnium rerum creatori eam immediate acceptam refert, hominibus ipsis altera. Si hæc præfertur, difficile haud est intellectu, linguarum inveniendarum usurpandarumque hanc unam rationem, unumque consilium fuisse, ut cum altero communicare quisque cogitata sua posset. Id ut fieri

A

fieri posset, constituendum, si non solemni aliquo communique decreto, consuetudine tamen, erat, quæ cuique vocabulo notio subjecta esse deberet. Quare cuique communi sensu ornato in oculos statim quasi incurrerit, nexus tam arctum tamque intimum esse inter ideas hominum & vocabula, ut sibi invicem quasi manus auxiliatrices porrigant. Quid enim esset homo, omnium ille creaturarum eam etiam ob causam princeps, quod ideas suas, in primis rerum incorporearum, judicia atque ratiocinia verbis maxime articulatis cum aliis possit communicare, nisi esset nexus quidam & convenientia inter ideas ejus & verba? Quid linguæ, sublato nexu earum cum ipsius ideis? Quid nisi vanæ omnino inanesque nugæ, atque igitur non dignæ, quibus descendis mortales vel momentum temporis adhiberent. Cum vero constet, quamcumque linguam verbis constare, verbis vero omnibus ideam quandam debere esse subjectam, ideasque verbis apte adeo commodeque exprimi, ut summo contendere queamus jure, nullam idearum nostrarum cum aliis communicandarum rationem esse cum illa, quæ linguis propriæ sic dictis efficitur, comparandam; cumque linguæ simul quammaxime ad excolendas facultates mentis humanæ & ideas abstractas & formandas & in mente reinendas conferant: diu dubii non hæreibimus, quin affirmemus esse nexus arctissimum inter ideas nostras & verba, linguasque ideo dignas esse, quibus descendis tempus adhibeamus.

At,

At, quænam ætas earum, quibus olim gens Romana (neque a nostris moribus hac re adniodum abladens) vitam metiebatur humanam, sive *Infantilis*, sive *Puerilis*, sive *Adolescentia*, sive denique *Juvenilis* ætas (*Virilem* enim, *Senilem* atque *Decrepitam* nemo puto hoc respectu commendabit) juxta studiorum nostrorum hodiernam rationem aptissima erit atque maxime idonea ad linguarum studium urgendum? Et quomodo in illis discendis procedetur, ut studium earum ingenio dissentium non repugnet? Ad *illam* quæstionem respondemus: ætatem *puerilem* (ubi statim a cunis non licuit linguam aliquam, quod vernaculae contingit, discere) aptissimam esse atque maxime idoneam, ad *hanc* vero: *sapientem methodum*, de qua pro virili in sequentibus exponemus, utramque paginam facere. Hæc vero jam cogitata nostra: *de linguarum studio ab ingenio puerili haud alieno*, in publicam proferre lucem audentes; benignam lectorum, quippe qui recordari debebunt, vires juveniles præstare, non valere, quæ a peritis maturisque exspectare & postulare licet ingenii, & expetimus & speramus censuram.

§. II.

Linguis (præter vernacula) ob multiplicem præclaramque utilitatem, quam pariunt, dignas esse, quibus, quotquot ad veram solidamque doctrinæ eruditioisque laudem nostro jam hoc ævo pertinge-

re voluerint, descendis studeant, nullum est dubium: ætas vero puerilis an aptissima sit atque maxime idonea ad studium earam nec ne? Hæc igitur erit prima quæstio, de qua nobis venit disputandum.

Sententiæ philosophorum de hac etiam re in duas classes abeunt, quarum una affirmat quæstionem, negat altera.

Utraque igitur proprius consideranda est.

§. III.

Cum homines post medii (ut dicitur) ævi barbariem, veritatis amore excitati ad veram culturæ laudem Romanorum Græcorumque scriptis evolvens ac diligenter tractandis grammari sibi proposuissent; difficile illis non fuit animadvertere, quantæ utilitatis ac fere necessitatis uberrima cognitio linguæ Latinæ Græcæque sibi esset. Hinc itaque usū invaluit, ut literarum amici harum studium linquarum vehementer amare & pueris uti præclarissimum commendare inciperent. Nec ita pridem tota fere ætas puerilis & omne studium in linguis sic diétis eruditis (Latina, Græca, adde Hebraicam) descendis consumebatur. Nunc contra multi illud fere volunt in exilium ejicere, contendentes ætatem puerilem scientiis, ac in primis Mathematicis, descendis adhibendam esse potius, quam linguis. Fundamentum asserti sui hoc ponunt, quod pueri adsuefaciendi sint ideis

ideis universalibus formandis, quod Matthesin felicissime efficere putant. Hanc omnes quidem reliquas fere scientias in acuendis adolescentium ingenii superare non minus verum est, quam HORATIUM vere pronunciare: *Scribendi recte, sapere esse eum principium et fontem* (a). Jam vero agitur de pueris, quorum animi vires ad studia subtiliora, quale est Mathematicum, urgenda non sunt satis acutae aut maturae; unde (quod quidem experientia docet) postea uno saepe anno plus proficiunt, quam antea, si ingenium illis torsissent, per plures praestare valuerint. Studiorum praeterea nostrorum hodierna ratio tali consilio vel maxime adversatur. Iis enim temporibus vivimus, quibus cognitio plurium linguarum praelarissimum adminiculum est ad solidam doctrinam pervenandi. Multae hodie sunt gentes, quae in literarum studio quasi emulantur, quaeque librorum cognitione nostra dignorum copia gaudent, & quotidie augentur, quibus legendis doctrina solida feliciter comparari potest. Theologo, verbi gratia, qui nostro jam aeo doctrinæ laudem sibi comparare voluerit, necessarium est, doctissimorum virorum iudicio, ut linguae suæ vernaculæ studio (b) cognitio-

A 3

nem

(a) *De arte poetica v. 309.*(b) *De hoc Cel. NÖSSELT Anweisung zur Bildung Angehender Theologen, (Halle 1791, 8:o) I B. § 93, pronuntiat: "Es ist nicht genug, dass wir unsre Muttersprache durch*

nem quarundam peregrinarum hodie florentium (c)
(Germanicæ in primis, Gallicæ & Anglicæ) ac lingua-
rum sic dictarum Eruditarum (d) mature addat.

Nec quisquam hic objiciat, Græcos, vehemen-
ti linguae suæ vernaculæ amore ductos & peregri-
nas linguas uti Barbaras contempentes, maximos
tamen in artibus scientisque fecisse progressus, nos-
que ideo etiam ope linguae nostræ vernaculæ ad i-
dem

"Übung nothdürftig lernen, sie verdient studiert zu wer-
"den selbst in Kleinigkeiten."

(c) Idem l. c. §. 104 dicit: "Unter den übrigen lebendi-
"gen Sprachen ist die Französische, Englische, und allen-
"falls die Italiänische dem, der sich der Theologie wid-
"met, am nützlichsten."

(d) Idem §. 113: "Dem, der sich der Theologie widmet,
"ist die Kenntniß der Griechischen und Lateinischen Spra-
"chen auch dadurch unentbehrlich, daß ohne sie weder
"der Verstand der Heiligen Schrift, auf der doch unre-
"Religion beruht, noch andre Theile der Theologie über-
"zeugend erkannt werden können." — & §. 150: Außer
"den bisher erwähnten Sprachen ist für den, der sich der
"Theologie widmet, die Kenntniß der Hebräischen Spra-
"che am nothwendigsten, nicht nur wegen der Bücher des
"Alten Testaments, die meistens in dieser Sprache abge-
"fasst sind, sondern weil auch in den Büchern des Neuen
"der Vortrag fast durchaus nach der Hebräischen Denk-
"und Sprachart gebildet ist, und sie nicht richtig verstan-
"den werden können, wenn man jene nicht aufs Al-
"ten Testament kennen gelernt hat."

dem culturæ eruditionisque fastigium, ac ii, posse pervenire, nam ratio studiorum eorum alias indolis naturæque magnam partem erat, ac nostrorum est hodierna.

Nec denique studium linguarum ingenio pueri-
li est tam adversum, ut venditant qui ad experien-
tiam diligentius non attendunt; linguas enim pueri
vulgo discunt facile.

Ac hac ætate homines ad earum cognitionem in-
primis feliciter pertingere, quotidiana testatur ex-
perientia. Nonne legimus celebrem illum puerum
Lubecensem *Henricum Heinecken* ætatis suæ anno quar-
to plurium jam linguarum peritum diem obiisse su-
prenum, præmatura consecutum ingenii cultura, quæ
corpus non pateretur vires necessarias acquirere:
unde discamus cavere, ne studium linguarum (aut
aliarum literarum) intempestivo studio nimis urgea-
tur, sed corpori etiam necessaria crescendi & inva-
lescendi concedatur facultas.

Cur autem pueri apti in primis sint atque ido-
nei ad operam linguis addiscendis dandam, ratio non
est e, longinquò petenda. Quamprimum enim tuto
jam pede terram signare possunt; res plurimæ cir-
cumjectæ undique in sensus eorum incurront, qua-
rum nosse nomina avent; instrumenta sermonis sunt
admodum flexibilia & conversatione cum adultiori-
bus verbis pluribus cum pronunciandis, tum memo-
riæ

riæ infigidis adsuescunt. Facultates viresque animi simul magis magisque augentur atque sese exse-
rere pergunt, sine corporis damno, quin ejus lu-
cro, si modice exercentur; memoria & phantasia
nunc valent maxime, atque ad imitandum summa-
cum facultate tum pronitate adjuvantur.

Memoriam quidem puerorum, qua animi fa-
cultate studiosis linguarum inprimis opus est, copiæ
verborum, quæ quasi elementa sunt linguarum, com-
parandæ esse faventissimam, vel domestica quemque
docet experientia. Caussam hujusce rei in ipsa ce-
rebri fabrica quærendam esse medici urgent.

Quam aptum studium linguarum sit ingenio pue-
rili, testatur innumeris exemplis historia. Exemplo
esse potest JOHANNES PHILIPPUS BARATIER qui æ-
tatis suæ anno quarto linguae Germanicæ & Galli-
cæ, quinto Latinæ, sexto Græcæ & Hebraicæ, o-
ctavo denique Arabicæ, Syricæ & Chaldaicæ co-
gnitionem tenebat. Item filius TANAQUILIS FABRI,
qui puer tredecim annorum natus Homerum me-
moriter recitat valebat.

Nec quisquam dicat, hoc studium, si modice
adhibeatur, corpus puerile debilitare, præmaturam-
que arcessere mortem, nam experientia testatur,
multos (*Grotium* verbi gratia & *Hallerum* licet no-
minare) quamvis valde mature literis studuerint ac
postea quoque eas diligentissime per totam vitam
tra-

tractaverint, ad justam tamen ætatem pervenisse, seneque deum siem obiisse supremum.

Nee parum roboris sententiæ nostræ, qua studium linguarum pueris commendamus, inde accedit, quod experientia docet, adolescentes juvenesque, qui pueri studium linguarum neglexerunt, ratio postea ad veram genuinamque earum cognitionem, in primis quoad pronunciationem pervenire valere. Quod quis miretur? Nam uti:

*Fertilis, asiduo qui non renovetur aratro,
Nil, nisi cum spinis gramen, habebit ager:
&: Tempore qui longo steterit, male curret, & inter
Caceribus missos ultimus ibit equus. (e);*

fic etiam ingenium puerorum quasi diuturniore ru-
bigine læsum torpet & sit multo, quam fuit ante
vividissimum.

Quoniam itaque nihil fere magnum habetur nibilque parvum, nisi respectu habitu comparationis inter plura ejusdem generis, ac quoniam adolescentia & juventus (de cæteris enim ætatibus quæstio esse nequit) satis aptæ atque idoneæ non sunt ad studium linguarum urgendum; sequitur ut studium earum puerili ingenio maxime conveniens & accommoda-

(e) Cfr. OVIDIUS TRIST. LIB. V. ELEG. XII. v. XXIII *sqq.*

tum haberi debeat. — Felix igitur is omnino salute-
tur, qui puer linguas scitu necessarias didicerit! Ars
enim longa vita brevis. Opportunitate is majores
in literis faciendi progressus gaudet longe uberiore,
quam qui adolescens demum aut juvenis iis stude-
re cogitur.

§. IV.

Quia jam vidimus, ætatem puerilem aptissimam
esse atque maxime idoneam ad studium linguarum
persequendum; restat, ut pro viribus disputemus de
iis, quæ observanda sunt, ut studium hoc ingenium
puerile non nimis gravet, h. e. qualis Methodus do-
cendi lingnas præferri debeat.

Facultates viresque animi humani sine ope alio-
rum excolli feliciter non posse, docet experientia.
Pueros itaque id acturos, ut linguas facile simul so-
lideque discant, doctores sapientem discendi methodum
observare faciant; ex qua quam vehementer
successus pendeat, facile intelligitur. Audiamus i-
taque fidelia experientiæ consilia & testimonia. Quæ-
nam sunt ipsa? Linguam quamcunque ita felicissime
& facillime disci, si mature & jugiter illa loquentes
& legentes audiantur; si pueri simul eam ipsis ad-
hibere frequenter & diligenter tentent; si constan-
tius huic studio operam dare pergant; si denique ad
loquendi studium legendi & scribendi diligentiam ad-

jun-

jungant. Res & ideæ semper cum verbis simul atripiendæ exhibeantur. Materiæ discentibus objiciantur, quas ad se pertinere vident, ex quibus considerandis vel voluptatem vel fructum percipient. Et sic porro.

Qui igitur præceptor discipulos suos sapienti methodo ad veram uberemque linguarum cognitionem ducere voluerit, is meminisse debebit, memoriam eorum, quæ adjuvari debet, haud esse nimis onerandam & lassandam. Onerat autem præceptor memoriam discipulorum suorum, cum turbam verborum nominumque illis ediscendam mandat, quibus respondentes ideas, per explicationem perspicuam, illis notas non reddit; cum compendium quoddam Grammatices, in quo propositas regulas universales, parum lucide expressas, sine prævia illarum explicatione & per exempla idonea adjecta illustrazione, illis perlegendum tradit. Ita enim constituti omnes sumus, ut rem, quam clare non intelligimus, nec nisi ægre & difficulter in memoria retinere valeamus.

Ad memoriam vero puerorum, peregrinam linguam discere aventium, adjuvandam vehementer pertinet, ut vernaculæ ratio diligenter in partes vocetur: a qua igitur examinanda & Grammatice cognoscenda initium fieri debet: quo ipso multum tædii alias devorandi cavetur. — Hoc ipsum olim negli-

gligebatur; quare etiam tota fere vita in linguis di-
scendis peregrinis moleste consumebatur, & vera ea-
rum cognitio vix tamen comparabatur. Inprimis
Latinæ linguæ inde multum invidiae acrevit: cui
omnis ille labor, qui Grammaticæ universalis præ-
ceptis descendis impendebatur, temere adscriptus fuit,
indeque præcipua ejus difficultas arguebatur: quæ
multo visa fuisset minor, si apparatus omnis Gram-
maticus, & communia linguarum præcepta familia-
ria antea reddita fuissent, & inde ad peculiarem e-
jus indolem descendam transire potuisset. — Cogni-
tionem itaque vernaculæ diligentem, tot etiam aliis
nominibus commendatissimam, studio linguarum pe-
rigrinarum præmitti debere, summo urgemuſ jure.

§. V.

Deinde maximi interest, ut præceptor discipu-
los ad cognitionem linguarum ducere volens memi-
nerit, id quod homines libenter & gaudenti animo
non faciunt, raro illis bene succedere. Unde non
duriter & ferociter, ut sæpe fit, sed amice, hilari-
ter & benigne eos doceat oportet. Illos enim non
solum amant pueri doctores, sed etiam ad præcepta
illorum diligentius attendunt, eaque memoria fide-
liori recondunt. Quod si de omnibus valet rebus,
quanto magis in rebus tractandis per se minus ju-
cundis, quale est studium linguæ peregrinæ? A quo
quicquid illis ingratum discipulis atque odioſum red-
dere

dere valet, qualis est nimia doctoris severitas, au-
steritas & rigor, abesse longissime debet.

Ad præcepta, (ut illuc, unde digressa est, refe-
rat se oratio) quæ amice hilariter & benigne pro-
ponit doct̄or, pueros lubenter attendere, omnes u-
no quasi ore consentiunt. Cum vero præceptorum
multa sint subtiliora, ut pueris sit difficile ea intelli-
gere, quibus jam adminiculis præceptor, ut tenebras
has propulset, uti debeat, summo quis jure quærat?
Exemplis, respondemus, idoneis adducendis præce-
ptiones suas semper illustret. Exemplorum usum u-
berrimum esse atque præclarum, experientia quoti-
diana docet, in primis in docendis pueris. Recte
enim SENECA: *Longum iter est per præcepta, breve*
& efficax per exempla; de qua eadem re Grammati-
cus recte: Moneo, inquit, igitur paedagogos, ut non
modo facienda, sed etiam faciendo discipulos doce-
ant; sum quisque alloquatur gregem, ut olim Dæ-
dalus Icarum suum: me duce carpe viam; ne disci-
puli in linguarum dumetis exspatientur soli.

Exempla idonea illustrare, axioma est nulla e-
gens demonstratione. Unde vero sumenda sint, a-
lienum ab hoc loco non sit paucis monere.

Exempla nempe idonea sumantur ex rebus pu-
ero notis, jucundis & pulcris. — Res, unde exempla
sumuntur, *notas* esse pueris debere, facile patet. A-
lias enim nullam ad illustrandum loca obscura vim

habere possunt. Utī mensura, qua aliquid metiamur, notæ esse debet magnitudinis, sic etiam res, quæ materiam præbeant exemplis, pueris familiares sint, necesse est. Si autem quæras, quænam res pueris maxime notæ sint, respondemus: quæ sensibus eorum obviæ sunt, quæ eos circumdant, cum quibus quotidie versantur.

Maximi porro momenti in puerō docendo erunt exempla, si sumantur ex rebus pulcris eique jucundis. Nam omnes ad ea, quæ delectant, lubentius attendimus, quam ad ea, quæ aut displicent aut insipida sunt. Hinc præceptoris est studere, ut cognoscat quænam res pueris maxime placere soleant. Quæcunque sensibus blandiuntur, cupidæ, rès colorum pulcritudine insignes, animalia domestica, aves, instrumenta lusoria (ut pila, trochus, arcus, & sic porro) pueris plerumque in deliciis sunt; quare etiam ad exempla ex ijs sumta lubenter attendunt. Prima enim ætate homines fere toti sensuales sunt, ac in primis oculorum sensus est acerrimus: quare & sic valet illud HORATII:

*"Segnius irritant animos demissa per aures,
"Quamquæ sunt oculis subjecta fidelibus."*

Copia etiam rerum jucundarum pulclarumque a poëmatibns egregiis comparari potest: quæ res etiam abstractas & intellectui proprie dicatas reddunt sensuales easque ad phantasiam admovent, ut quasi oculis sentiantur.

Ut

Ut vero exempla ad illustrandum prodeesse ea feliciter possint, explicanda sunt, & linguae utriusque mos comparandus. Hinc enim efficitur, ut pueri non modo facile intelligent regulas linguae descendae, verum etiam videant, quænam vernacula verba phrasesque peregrinis illis respondeant, quæ non, quod ipsum in Auctoribus explicandis magno illis erit adjumento.

Ista exempla si præceptor, ut fas est, talia simul delegerit, quæ sapientiam & honestatem commendent & ad mores emendandos pertineant; duplicem discipulis poterit fructum afferre, mentem memoriamque utilium rerum cognitione ditare, præjudiciorum vim minuere & virtutis studium instillare.

Sed vero, omnis hæc opera frusta sumetur, nisi pueri ipsi fuerint aut reddantur dociles & industrii. Quanta vis industriæ sit, docet experientia quotidiana. Opes, artes, scientiæ, boni mores & salus publica eam comitantur; ignaviam vero paupertas, ignorantia, errores, vitia, ac summa tandem miseria. Hoc idem suo modo valet de linguarum Studio. — Hinc cuiusvis præceptoris est, omni in id incumbere nisu, ut industriam excitet discipulorum suorum. Quod ipsum, quomodo effecturus sit, in sequentiibus docebimus. Nunc monuisse sufficiat, follicite esse cavendum, ne, dum excitare studia eorum conatur, eos prægravet, lasset & affligat: quod faciunt præceptores, qui aut cogunt eos per se suoque marte
fine

P
 sine allata iis ope discere, aut jubent eos, saepe asperis verbis, lectiones suas ægre intellectas memoriam mandare; qui cum illis neque familiariter converuantur, neque eos nisi tristibus verbis alloquuntur. Quo sit, ut negligentiae fese, abjecta proficiendi spe, tradant. Contra boni præceptoris est, discipulis suis, quoties opus fuerit, auxilio benigne venire. Uti milites pugnando fessi & ab hostibus jam fere vieti, dum vident duces sibi suos adesse & fese iisdem periculis acriter objicere, animum recuperant & strenue cum hostibus concurrunt; sic pueri, dum in linguarum dumetis errantes præceptores suos sibi auxiliatrices corrigere manus vident, & ipsi ad vires adhibendas & industriam augendam excitantur. Cavyebit vero docttor, ne ita ad discipulorum operam adjuvandam promptus sit, ut ipsi nihil opus habeant studii ac laboris adhibere; quod est quasi pulvinar ignaviae eorum subjicere, atque a diligentia eosdem avocare: in quod alterum extreum multi prolabuntur, parentum insipientium sic satisfacturi defiderio,

Postulat jam ordinis ratio & promissio data, ut de ratione excitandæ industriæ pluribus dicatur.

